

## Uunga

allannguutissatut siunnersuut

**Uunga siunnersuut: Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. x, xXx 2015-imeersoq**

Naalakkersuisut aappassaaneerinissamut saqqumiussaat.

### **§ 1-imut**

**1. § 1, nr. 2, ima oqaasertaqarpoq:**

**”2. § 1, imm. 1, ima oqaasertaqarpoq:**

” Qalerallit Kalaallit Nunaata oqartussaaffigisaani nunallu allat oqartussaaffigisaanni aalisarneqartut aamma aalisakkat ikerinnarsiortut ilaat Tunumi aalisarnermi aalisarneqartut akitsuutaat inatsimmi matumani aalajangersakkat naapertorlugit akilerneqassapput.”

**2. § 1, nr. 3, peerneqarpoq.**

**3. § 1, nr. 4, ima oqaasertaqarpoq:**

**”4. § 2 ima oqaasertaqarpoq:**

**”§ 2.** Akitsummik akiliisussaatitaaneq piffissami pisarineqarfianni atuutilissaaq, taamaattorli tak. imm. 2.

*Imm. 2. Sinerissap qanittuani qaleralinniarnermi akitsummik akiliisussaatitaaneq piffissami tunitsivimmut tunisassiorfimmulluunniit, matumani aamma umiarsuarmut tunitsivimmut tunisinermi atuutilissaaq.”*

**4. § 1-imi nr. 01-itut nutaatut ilanngunneqarpoq:**

**”01. § 3, imm. 1, ima oqaasertaqarpoq:**

**”§ 3.** Suliffeqarfiit aamma inuit avataasiorluni qaleralinniarnissamut pisassinneqarsimasut qaleralinnut kiilumut akitsuut 2,50 kr.-iusoq akilissavaat, taamaattorli tak. imm. 2. Akitsuutip naatsorsornerani ilanngunneqassangillat pisat ilaat saaniagassatut tunineqartussat.”

**5. § 1, nr. 7, ima oqaasertaqarpoq:**

**”7. § 3 a-p kingornagut qulequtaq nutaaq ilanngunneqarpoq:**

*”Qalerallit sinerissamut qanittumi aalisarnermi pisarineqartut akitsuutaat”*

**6. § 1, nr. 8, ima oqaasertaqarpoq:**

**”8. Qulequttap nutaap kingornagut ilanngunneqarpoq:**

**”§ 3 b.** Suliffeqarfiiit aamma inuit § 3, imm. 1-imik pineqartunut ilaangitsut akitsuut, qalerallit tunitsivimmut tunisassiorfimmulluunniit tuninerisigut isertitamik 5 procentiisut angissusilik akilissaavaat.

*Imm. 2. Isertitanik imm. 1-imik taaneqartunik tunniussisup akitsuut tunniussilernermi unerartissaava. Unerartitsineq pissaaq unerartitsisussaatitaasup aningaasanik unerartinneqartussanik naatsorsineratigut, aningaasallu isertitanit ilanngaatiginerisigut.”*

**7. § 1-imik nr. 02-tut nutaatut ilanngunneqarpoq:**

**”02. § 4, imm. 2 aamma 3, ima oqaasertaqarput:**

*”Imm. 2. Suliffeqarfiiit aamma inuit akitsuummik akiliisussaatitaasut § 3, imm. 1-imik aamma § 3 a-mi taaneqartut akitsuutip naatsorsornissaanut akitsuutillu eqqortumik akilerneqarnissaanik nakkutilliinissamut tunngavigineqarsinnaasunik naatsorsuusiussapput.*

*Imm. 3. Suliffeqarfiiit aamma inuit akitsuummik akiliisussaatitaasut § 3, imm. 1-imik aamma § 3 a-mi taaneqartut akitsuusigassat taakkualu akitsuutitaat piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangiunnerata kingorna qaammammi ulluinnarmi kingullermi akileraaruseriffimmut nalunaarutigalugillu akilissavaat.”*

**8. § 1-imik nr. 03-tut nutaatut ilanngunneqarpoq:**

**”03. § 4 a-tut nutaatut ilanngunneqarpoq:**

**”§ 4 a.** Suliffeqarfiiit unerartitsisussaatitaasut § 3 b, imm. 2-mi taaneqartut suliffeqarfiiit aamma inuit qaleralinnik tunisisartut, isertitat tunniunneqartut, bonusit il.il. paasissutissallu allat pillugit naatsorsuusiussapput, akitsuutip naatsorsornissaanut akitsuutillu eqqortumik akilerneqarnissaanut tunngaviusinnaasunik.

*Imm. 2. Suliffeqarfiiit aamma inuit unerartitsisussaatitaasut § 3 b, imm. 2-mi taaneqartut tunitsivinnut tunisassiorfinnulluunniit ataasiakkaanut tunngatillugu tunisat akitsuusigassat amerlassusii, pissarsiat tunniunneqartut amerlassusii taakkualu akitsuutitaat piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangiunnerata kingorna qaammammi ulluinnarmi kingullermi akileraaruseriffimmut nalunaarutigalugillu akilissavaat.*

*Imm. 3. Nalunaarut piffissaagallartillugu nassiunneqanngippat akiliisitsissut piffissamut akitsuummik akiliiffissamut akitsuutip 2 procentiinik angissuseqartoq, minnerpaamilli 500 kr.-iusoq annerpaamillu 5.000 kr.-iusoq akilerneqassaaq.”*

**9. § 1, nr. 12, ima oqaasertaqarpoq:**

**”12. § 8, imm. 1, ima oqaasertaqarpoq:**

**”§ 8.** § 1, imm. 1-imik, § 3, imm. 1-imik, § 3 a, imm. 1-imik, § 3 b-mik, § 4, imm. 2-mik 3-miluunniit, § 4 a, imm. 1-imik 2-millu piaaraluneerluni mianersuaalliorujussuarluniluunniit unioqqutitsineq, imaluunniit akiliinissamut piffissaliussamit sivikinnerusumik piffissaqarluni akiliinissamik qularnaveeqqusiinissamilluunniit § 5 naapertorlugu peqquneqarnermik malinninnginnej Kalaallit

Nunaanni pinerluttulerinermik inatsimmi maleruagassat naapertorlugit pineqaatissiinermik kingune-qarsinnaavoq.”

## Inatsisissatut siunnersuummut oqaaseqaatit

### Oqaaseqaatit nalinginnaasut

Allannguutissatut siunnersuut qalerallit immannguaannaq suliat suliarineqanngitsulluunniit annissuinermi akitsuutaat pillugu siunnersuummut isornartorsiutaasut akuersaarlugit saqqumiunneqarpoq. Allannguutip kingunerissavaa inatsisissatut siunnersuutip tassunga tunngasortaata peerneqarnissaa.

Taarsiullugu siunnersuutigineqarpoq nunami tamarmi sinerissap qanittuani qaleralinniarluni aalisarnerup isumalluutinik atuinermi akilummik akitsuuserneqartalernissaa.

Sinerissap qanittuani qaleralinniarnermi akitsuutip tunisinermi isertitat 5 procentiannik angissuseqarnissaa siunnersuutaavoq. Taamaaliornikkut tunitsiviit tunisassiorfiillu assigiinngitsut tunisinermi akinik assigiinngitsunik akeqartitsisinnaanerat eqqarsaatigineqarpoq. Procentiliinerup kingunerissaava akitsuutip tunisinermi akinut sanilliullugu annikitsuinnaanera, tunisinermi akigititat angissusii apeqqutaatinnagit.

Akitsummik akiliisussaaneq qalerallit tunitsivimmut tunisassiorfimmulluunniit tunineqarneranni atuutilissaaq. Akitsuut qaleralinnik tunisisup akiligassaraa. Kisianni tunitsivik tunisassiorfilluunniit tassaavoq tunisisup isertitassaanit akitsummik unerartitsisussaatitaasoq, akitsummillu unerartineqartumik akileraaruseriffimmut akiliisussaatitaasoq.

Tunisisup akitsuut aningaasarsiami akileraaruteqaataasussat naatsorsorneranni ilanngaatigisinnaavaa.

Sinerissap qanittuani qaleralinniarnermi pisat tunineqarneranni akitsuusersuinissamik siunnersuutip kingunerisaanik siunnersuutigineqarpoq avataasiorluni qaleralinniarnermik akitsuusersuineq allanngortinneqassasoq. Allannguutip kingunerissavaa avataasiorlutik qaleralinniat pisaminnit tamanit akitsuut akilertalissammassuk, taamaallaat avataasiorlutik aalisartut pisaasa ilaat saaniagassatut tulanneqartussaatitaasut pinnagit.

Avataasiorluni aalisarnerup akitsuusiiffigineqarnerata pisat ilaannik tulaanneqartussaasunik ilanqarneranut taarsiullugu akitsuutip angissusia apparinnejqassaaq, avataasiorluni aalisarnerup akitsuutitigut nammakkersugaanera ataatsimut isigalugu allanngortussajunnaarlugu. § 3, imm. 1-imti atuuttumi akitsuut 2,50 kr.-inik angissusiligaavoq. § 3, imm. 2 naapertorlugu aaqqiissutip kinguneraa akitsuut kingulleq atorneqartoq tassaammat 3,06 kr.-it. Siunnersuutigineqarpoq akitsuut inatsisip atortuulerfia aallarnerfigalugu 2,50 kr.-inut angissusilerneqassasoq. Avataasiorlutik aalisartut

akitsuutitigut nammakersugaanerat taamaalilluni ullumikkutut iinnassaaq. Avataasiorluni aalisarnermut tamarmut akitsuutip angissusissaata akitsuutip angissusia § 3, imm. 1-imi allassimasoq angeqqatigimmaq tamanna nalaatsornerinnaavoq. Akitsuutip angissusia nutaaq 2016-imi kvartalit aappaat aallarnerfigalugu § 3, imm. 2-mi aalajangersagaq naapertorlugu aaqqinnejartassaaq.

Sinerissap qanittuani qaleralinniarnermit 2016-imi akitsuutitigut isertinneqartussat 20 mio. kr.-it missaanniinissaat eqqoriarneqarpoq. Isertitassat angeqqatigaat qalerallit immannguaannaq suliat suliarijneqanngitsulluunniit annissorneranni akitsuutikkut isertinneqartussat. Allatut oqaatigalugu, al-lannguutissatut siunnersuut isertitassanut sunniuteqartussaanngilaq.

Allannguut umiarsuaatileqatigiiffit kiisalu tunitsiviit tunisassiorfiillu akitsuutit naatsorsornissaan-nut akilernissaannullu allaffissornissaannik kinguneqassaaq.

Angallatini inuttat aalisarnermi pisat naapertorlugit akissarsisinneqartarpata, akitsuullu akissarsias-sat tamarmiusut inuttanut tunniunneqannginneranni ilanngaatigineqassappat, siunnersuut taakku-nunnga sunniuteqassaaq.

### **Aalajangersakkanut ataasiakkaanut oqaaseqaatit**

#### *Nr. 1-imut (inatsimmi § 1, imm. 1)*

Inatsisip atuuffiata suliffeqarfinnik inunnillu aalisakkat ikerinnarsiortut ilaannik, matumani aamma ammassassuarnik ammassanillu Tunumi aalisarnissamut pisassinneqarsimasunik ilaneqarnissaa siunnersuutaavoq.

Aammattaaq atuuffianut ilanngunneqarput sinerissap qanittuani qaleralinniarnermi pisat tunitsivin-nut tunisassiorfinnullu tunineqartut. Maannamutuut pineqartunut ilaapput suliffeqarfifit inuillu ava-taasiorluni qaleralinniarnissamut avaleraasartoorniarnissamullu pisassinneqarsimasut.

#### *Nr. 2-mut (inatsisisatut siunnersuummi nr. 3)*

Inatsisisatut siunnersuummi § 3-p peerneqarnissaa siunnersuutaavoq, qalerallimmi immannguaan-naq suliat suliarijneqanngitsullu annissornerini akitsuut peerneqarmat, sinerissallu qanittuani qalera-linniarnermi akitsummik taarserneqarluni.

#### *Nr. 3-mut (inatsimmi § 2)*

Avataasiorluni qaleralinniarnermi aamma aalisakkat ikerinnarsiortut ilaannik Tunumi aalisarnermi akitsummik akiliisussaatitaaneq piffissami pisarineqarfianni atuutilissaaq.

Imm. 2-mi aalajangersakkap kinguneraa sinerissamut qanittumi qaleralinniarnermi akitsuummik akiliisussaatitaanerup piffissami pisat tunineqarfianni atuutilernissaa.

*Nr. 4 (inatsimmi § 3, imm. 1)*

Aalajangersakkap kinguneraa avataasioluni qaleralinniarnermi pisat akitsuutaannik appaaneq. Tas-sunga taarsiullugu pisat ilaat tunitsivinnut tunisassiorfinnulluunniit tulaanneqartussat akitsusigasanut ilanngunneqarput, tassa pisat ilaat saaniiagassatut tunineqartussat pinnagit. Umiarsuit tunitsi-viit matumani tunitsivittut tunisassiorfittulluunniit isigineqarput.

Pisassiinermi pisat qanoq amerlatigisut pisalluunniit ilaat qanoq amerlatigisut saaniiagassatut tulanneqartussaatitaanerannik aalajangersaasoqarsimanngippat akitsuut pisanit pisat allattorneqarfi-anni nalunaarsorneqartunit tamarmiusunit naatsorsorneqassaaq.

*Nr. 5-imut (qulequtaq nutaaq)*

Aalajangersagaq aaqqiinermik pissuteqarpoq, tamannami inatsisip atuuffiata sinerissap qanittuani qaleralinniarnermik ilaneqarnerata kingunerisaanik qulequttamik nutaamik ilanngussinerummat.

*Nr. 6-imut (inatsimmi § 3b)*

Sinerissap qanittuani qaleralinniarnerup isumalluutinik atuinermi akiliummik akitsuusiiffigineqarta-lernissaa siunnersuutaavoq.

Akitsuut sinerissamut qanittumi qaleralinniarnermi pisarineqartut tunitsivinnut tunisassiorfinnulluunniit tunineranni isertitat 5 procentiinik angissuseqarpoq.

Isertitatut isigineqassapput aningaasat, pigisat assigisaalluunniit tunisanut taarsiullugit tiguneqartut. Isertitanuttaaq ilaapput soorlu bonusitut tunniunneqartut, tunissutit, suut aningasaangitsut, akikil-liliissutit assigisaalluunniit, tunisisup qaleralinnik tunisinermi taartitut tigusai.

Kalaaliaqqanut (kalaalimeerniarfinnut), suliffeqarfinnut, kantiinanut, neriniartarfinnut il.il. tunisi-neq tunitsivinnut tunisassiorfinnulluunniit tunisinertut isigineqanngilaq.

Imm. 2-mi aalajangersakkami aalajangersarneqarpoq tunitsivik tunisassiorfilluunniit tassaammat isertitassat tunniunneqalerteranni akitsuummik unerartitsisussaatitaasoq. Unerartitsineq pissaaq unerartitsisussaatitaasup aningaasanik unerartinneqartussanik naatsorsuillunilu isertitassanit ilan-ngaatinninneratigut.

*Nr. 7-imut (inatsimmi § 4, imm. 2-3)*

Inatsisip atuuuffiata aalisakkat ikerinnarsiortut ilaannik Tunumi aalisarneqartunik ilaneqarnera allannguummut pissutaaneruvoq.

Aalajangersakkami aalajangersarneqarpoq, suliffeqarfiiit inuillu avataasiorluni qaleralinniarnissamut kiisalu aalisakkat ikerinnarsiortut ilaannik Tunumi aalisarnissamut pisassinneqarsimasut akitsuut pillugu naatsorsuusiorissaatitaallutilu nalunaarutiginnittussaatitaasut. Kiisalu akitsuutip piffissaagallartillugu akilerneqarfissa aalajangersarneqarpoq.

Aammattaaq akitsuutit pillugit nalunaarsuiffiit akiligassat allagartaasa il.il. assilineqarnerannik ilaqtinnejarnissaannik piumasaqaat atorunnaarsinneqarpoq, paasissutissammi tamakku akitsuutit naatsorsornissaanni pisariaqanngillat.

*Nr. 8-mut (§ 4 a nutaaq)*

Aalajangersakkami aalajangersarneqarpoq suliffeqarfiiit qaleralinnik sinerissap qanituani aalisarnermi pisarineqarsimasunik tunisisoqartillugu isertitassanik tunniussisussat, tunitsivinnut tunisassiorfinnulluunniit ataasiakkaanut tunngatillugu naatsorsuusiorissaatitaasut, akitsuutip naatsorsornisaanut aammalu akitsuutip akilerneqarnerata nakkutiginissaanut tunngaviusinnaasunik.

Tassungalu ilutigitillugu aalajangersakkami allanneqarpoq akitsuutip nalunaarutigineqarnissaanut akilerneqarnissaanullu piffissaliussaq. Akitsummik akiliisussaatitaasup nalunaarut piffissaagallartillugu nassiuutinngippagu akiliisitsissut akitsuutip 2 procentiinik angissuseqartoq, minnerpaamilli 500 kr.-iusoq annerpaamillu 5.000 kr.-iusoq akilerneqassaaq.

*Nr. 9-imut (inatsimmi § 8, imm. 1)*

Inatsisip atuuuffiata ilaneqarnerata kingunerisaanik siunnersuutigineqarpoq aalajangersagaq allangortinneqassasoq, aalajangersakkanik nutaanik unioqqutitsisoqassagaluarpat pineqaatissiisoqarsinnaaqquillugu.